

閩都記卷之二十六

郡人 王應山 纂輯

郡東長樂勝蹟

東山之東爲長樂縣環縣治爲儒學三桂堂觀音寺見江亭義泉南山塔勝會堂南山書院東華觀植柱廟河南渡天王寺名山三寶巖六平山首石山王慶墓趙以夫墓五賢祠太平港鰲頭山太常山芝山二潭林貞女墓二難鄉紫陽樓吳賓墓延祥湖馬鐸墓龍泉山鄭序宅當陽寺溪湄山高應松墓雙澗菴林山宅董峯山紫薇峯垂露亭西峯寺鄭性之墓林安上墓李騏墓竹林寺鶴嶺林公黻墓

卷三

求放心齋

陳全墓越王山大宏里籌峯山渡橋金吾祖廟陳義姑廟崇信寺雁峯巖湖潘貞女宅蕉山石梁錦橋鄭憲宅林慎思墓鄭世威宅聖娘山閩王禁石梅江小址山濱閭湖七星井龍翔峯壺井陳氏二烈宅陳仲完墓陳令津湖靈峯寺吳玉蓮宅岩泉寺鍾門山御國山碁山寺

長樂縣六平山之陽去郡城百里而遙故隋閩縣地唐武德六年析新寧縣于敦素里卽今古縣後改長樂上元初移建今所古名新寧吳航安昌廣一百二十里袤六十五里東抵海湧一百二十里南抵福清五十里北至海五里西抵連江一百二十里 國朝編戶三十五里以四鄉領二隅二十四都

統圖一百有九舊城僅里餘嘉靖間以倭患增拓之廣五里南曰陽春北曰拱極東曰鎮海西曰清江西南曰平政門凡五後增敵臺鑿壕侍郎鄭世威爲記察院行臺在縣治西府館在察院之西稅課局在縣治西預備倉在鼓樓東陰陽學醫學并南山塔下城隍廟在縣東北社稷壇在縣西山川壇在西南三峯塔下

儒學在縣治東興賢坊內洪武初因元之舊成化十四年新作明倫堂宏治間復拓其地而廣之內有朝陽軒瑞榕樓

三桂堂在縣東翰林坊宋寶祐初陳剛陳合陳誼兄弟三人聯第理宗親灑宸翰扁其堂曰三桂門曰儒英

卷三

二

求放心齋

觀音寺在縣東隅咸通四年建今廢爲按院行臺 宋縣令袁正規觀音寺地產靈芝古道場危亭陡起負重崗江心遠疊通潮浪海外遙分異域疆繚繞人家依縣市寂寥烟景認吳航倚欄望斷暮雲碧不見長安見夕陽

見江亭在觀音寺內

義泉在縣東二里許宋元祐二年縣令袁正規鑿飲行者故名南山塔在縣西登高山初有菴後更爲三峯寺 國朝永樂間

重脩萬厓間知縣鍾萬祿葺之又有臨水宮普照菴并西隅山南五峯並峙曰五馬山三峯並峙曰三峯山

勝會堂在縣南里許南山有九日軒并宋建宋主簿葵雍詩滿

前青嶂千峯列直下澄江一帶橫

南山書院在南山塔之旁

東華觀在縣治東北宋開寶元年建 明王恭遊東華觀羣山

飛翠六平峯琳館依稀第幾重心遠獨隨雲鶴去機閒應共

羽人逢三花影落壇邊樹五粒春飄石上松借問仙源在何

處白雲迷却往來蹤

植柱廟在縣南唐開元間有神降于察山之陰乘大木沿湍流

而上者三漁者林姓異之置石室下若植柱然里有洪氏女

浣紗其旁忽有一物浮水上若銀卮女褰裳探之水漸深爲

蛟所噬其家訖于神雷雨交作殺蛟水濱刳其腹女屍在焉

卷三

三

求放心齋

洪氏取木刻神像塑其女配之景祐間禱雨獲應復立廟潘

奎爲記

河南渡在縣南

天王寺在縣西北松石峯唐大中七年有天王閣枕流軒望江

樂壽臺多頽圯寺之西有金雞山若將軍勒馬 國朝萬厯

間重脩 宋連江尉林伯材枕流軒詩誰在紅蓮葉裏行冷

泠飛玉抱軒清幾看人世興亡夢千古雲崖黯澹聲春暖蘚

衣隨雨到夜深寒月落湍明倦懷一枕清涼水抖擻塵埃羽

翼生 蔣之奇松石峯晚向津亭泊畫船忽聞佳處在雲烟

松根化作千年石山寺蒸爲一澗泉祖意共看亭下栢禪交

同結社中蓮明朝興筭還躋嶺聊借禪房一覺眠 陳傅望
江亭山靄峩峩江岸深望餘亭影落江心無風萬里磨平玉
有月千波漾碎金思遠解邀無已句流清宜寫不齊琴仙槎
一棹驚秋晚此去銀河尙幾尋 明王恭天王寺避暑炎暑
不可度端居日方永同袍四五人共愛山中靜飛閣軼氛埃
叢林逗蘿逕潭靜氣已清竹深午猶暝初沿雙溪轉稍入空
中鏡婉婉柔鳥聲悠悠野僧定平生好幽玩盡日愜佳興山
水發清機風泉澹初性日夕徐徐歸雲間響孤磬 林敏遊
天王寺珠宮隱上方載酒一乘興雨歇瀑布涼雲歸古松暝
忘機野禽狎發詠人鬼聽坐對月上時空山響烟磬 林鴻

卷五

四

求放心齋

金雞山遠公青蓮宇百折構雲闕一逕入松蘿山泉濯苔髮
石房彈玉琴清響在林樾夜來滄海寒夢遶波上月微吟白
雲篇高興了未輟未能悟聲聞安得離言說

名山在縣北里許邑之主山也上有雲壇歲旱禱于此

三寶殿在縣北宋嚴學禁里人劉砥劉礪從晦翁避地于此

國朝永樂間三寶太監鄭和過此名之曰三寶岩後知縣蔣
以忠謂其名不典改曰晦翁岩 明陳亮遊三寶岩洞門壁

立與雲平此日登臨萬古情野鳥向人如有意山花隨雨落
無聲仙壇草密春光晚客枕鐘殘曉夢清此地由來可招隱
欲從林下解塵纓

六平山距縣里許蜿蜒六曲故名又二山曰四明曰石臺 明
王恭六平峯歌海上羣峯屹相向六平秀出羣峯上絕巘飛
泉掛薜蘿遙天落日開平嶂華頂雲歸見大荒鴻濛元氣帶
扶桑清輝迢遞近觀德空翠依微接太常百里人家花外靜
數椽僧舍竹邊涼石林蘿徑行人少藥院茅亭絕氛擾遠澗
秋聲鶴夢寒遙岩夜月猿聲小巽宮才子日登臨踏閣攀林
契賞心興來揮灑蘭亭筆柿葉淋漓醉墨深谷口驪駒動行
色送君遠赴金門客功成早賦歸去來重拂橫琴苔上石
首石山在縣北一都山之巔有石巋然高二十餘丈廣數十步
中有泉穴四面窺之見水又岩際一石苔蘚所蝕自下望之

卷三

五

求放心齋

宛然白鶴也首石山鳴出太魁蓋識云 明王恭首石晴雲
歌首石崢嶸高際雲白雲飛處長氤氳浮空霽色兼秋葉拂
樹寒陰帶夕曛寒陰霽色相輝映絕勝巫陽夢中境出岫閒
將一鶴飛還山靜入孤僧定青林疊嶂薜蘿間舒卷無心意
自閒岩頭仙客應常卧陌上遊人時暫看有時髣髴從龍去
大地彌漫不知處初將膚寸起盤陀解使蒼生得霖雨須臾
斂盡遙天曙但見清輝若岩戶片片窗隨霧雨消孤光猶爲
山陰野山陰書室寄雲林因向雲中惜寸陰自笑青雲空在
夢登高且賦白雲吟

王慶墓在首石山白鹿窟之麓慶字德餘宋江東提刑益祥之

父也

趙以夫墓在縣城東正統間被廢有司修葺以夫宋宗室居長樂嘉定進士終吏部尙書

五賢祠在縣東門外六平山下 國朝正德五年建祀朱文公配以黃幹李栻劉砥劉礪初宋禁僞學文公避地吳航劉氏四賢從之遊砥礪祖嘉譽父世南礪子子玠并列儒林

太平港在縣西隅今水次吳航頭是也閩中記云吳王夫差嘗畧地至此作戰艦稱吳航云 國朝永樂十一年太監鄭和通西洋造舟于此奏改今名又建天妃宮一所其東有十洋古讖云十洋成市狀元來和時造舟貿易如雲未幾馬鐸李

卷五

六

求放心齋

騏大魁天下

鰲頭山在縣東南今少司馬陳省躬別業增飾亭館遂擅山川之勝

太常山左按籌岩右連首石若爲羣山所尊故名太常山之陽有嶺曰從龍曰風門風籟日夜不絕聲其陰有嶺曰浮崎北界于閩 宋董淵太常山勢凌籌谷接蒼蒼十二交龍繡作裳虎豹關中千樹色鳳凰池上萬花香白雲路隔青雲暮金澗泉通玉澗涼聖代君臣忻際會安知磐石鎮無疆 明王恭登雁山望太常峯雁山青翠裏遙見太常峯勝槩無期到幽人何處逢仙源雲縹渺祇苑樹蒙茸興盡獨歸去空林聞

暮鐘

芝山二潭大山之陽有白龍潭其北有祥雲潭相傳有二龍從演江起白者歸山陽爲白龍潭黑者歸山陰爲祥雲潭嘗有人于潭側獲卵殼大如斗

林貞女墓在嶺頭山貞女萊姐其妹仁姐閩縣人叅政舜道女萊姐許嫁陳長源中丞省之子也于歸有期矣長源死萊姐欲奔喪父母不可日夜號哭矢志靡他其妹友厥姊寢興與偕積勞先卒貞女益憤鬱嘔血數升而絕將死曰葬我必之長樂時萬曆五年六月也尙書林爌有詞弔之

二難鄉在縣西南宋潘循兄弟并登科第故名

卷三

七

紫陽樓在二都後灣元應宮之東宋嚴學禁朱文公避地于此故名

吳實墓在二都龍門山實字中美永樂進士時謂鐵面御史官終廣東僉憲實本慎思之裔後復姓林

延祥湖在二都凡兩派一自興濟橋而東接嶺柄港一自橋南東折直抵龜峯而盡 國朝正統間重濬可通舟楫

馬鐸墓在龍臺山鐸永樂十年進士第一授翰林院脩撰楊士奇誌其墓

龍泉山縣西南有五峯南連福湖又名橫嶼亘二里有峯曰獅峯有石曰梯雲二山多奇朱徽國之所遊也福湖勒魁龍二

字龍泉勒朝陽二字皆朱手書山之南爲沙京亦稱勝
鄭序宅在福湖之濱序正統七年進士湖廣少叅乞休家居三
十餘年以上壽終

當陽寺在七都北山之麓唐建有山月堂釣鰲石又高亭在寺

中 宋蘇舜元釣鰲石未窮雙佛刹先到一漁家山雨已殘

葉溪風猶落花汲泉沙脈動敲火石痕斜應是任公子竹間

曾煮茶 戶曹林誥詩何處遇幽景當陽絕頂尋雲霞十古

態松竹四時陰岫列天邊嶂泉鳴澗底琴高人不遊此應負

愛山心 明林慈詩鳥道緣空碧龍宮入翠微逢師持鉢日

恰我到山時蘿逕千林滿風泉百道飛何年至城邑惜別欲

卷三

留衣

溪湄山在五都羅田山有十美曰幙頭石曰筆架山曰寶山雲

曰珊瑚月曰文筆峯曰石澗泉曰龍津釣曰馬嶺樵曰南陽

耕曰古崙牧珠湖在絕頂廣五畝冬夏不竭相傳湖中得蚌

剖之有珠故名其旁諸山曰七岩曰郎官 明吳海溪湄十

美連山如波濤高峯盪雲日峩然孤杓聳其勢孰可匹危攀

將欲飛俯瞰覺自失羅田幾聚落端坐見纖悉南延川源深

北望海水出處高抵益遠縮地豈有術天寒霜落交收穫事

已畢仍年蝗旱餘民物盡蕭瑟邁茲得非幸惆悵虛具述

羅田衆山中七岩獨高秀經營將半年宿願始得副綠雲攀

鳥道十步九翫翫剛飈從北來岩谷盡號噉促步赴層巔依
石避野燒鬱然烟焰交歛若雷電遶其勢吁可畏童僕盡驚
走須臾得少息方覺性命有列坐咸自慶昭哉酌大斗陰陽
忽變化霖雨垂白晝凝雲迷海嶼昏霧失林藪歸途畏虎跡
慘慘暝色厚幽懷莫能寫造次宜自咎述此成短章聊用紀
邂逅

高應公墓在五都泉元里應松字箕畝與里人陳覺伯友以名
節相砥礪登宋寶祐進士權禮部郎元兵至臨安不草降表
迨入都舉朝奔竄從官留者九人應松其一也後遷端明殿
學士權樞密扈瀛國公至燕絕粒死

卷五

九

求放心齋

雙澗菴在五都元建

明林旅雙澗菴翠壁晴嵐曉氣騰臨風

高閣興來凭天涯尊酒何人共屋外雲山此日登好鳥臨風
偏勸客空林向晚不逢僧扁舟要覓漁郎去誰道桃源隔武
陵 鄭定詩覽古登高邱秋空遍遐望雲歸天宇澄物態紛
萬象飛亭控雙流澗道塞蘿上追歡企昔人雅作諧古唱豈
無黃花情聊復效元亮長歌有秦聲屢舞亦豪宕醉來信忘
形萬事齊得喪林暝晚瀟瀟氣酣春盎盎題詩記曾遊爲我
謝疊嶂 王恭詩我愛東林古蘭若雙澗迢迢七岩下祇樹
三花世外開飛泉一道天邊瀉石林青壁絳雙流上界青天
看欲浮寒聲半作千峯雨涼意都涵六月秋沙門衲子何清

淨浣衣洗鉢安禪定五夜焚香禮露臺三時說法鳴烟磬騷
人墨客日躋攀誰識醉樵能愛山詩成四壁龍蛇走醉後長
歌天地閒醉樵忽奉天書去揮毫獨到天光裏畫錦他年得
賜歸共借禪扉洗雙耳

林山宅在墩素里古縣山字士仁嘉靖八年進士知徽州府廣
東副使

董峯山在縣東南相傳仙人董奉居之南俯定山其巖曰董岩
董峯之西有柯林山其峯曰垂峯 明林鴻董岩詩吾嘗慕
康樂愛入名山遊名山不易得何必談瀛洲董峯高峩峩仙
子居上頭白鶴去不返黃茅翳丹邱下接渤海流上接白雲

卷五

十

求放心齋

浮陰壁耀海日寒枝掛獼猴幽尋豈不遠逸興隨去留仙人
未可期空山春復秋 陳亮遊龜峯曉昔過茲鄉駐馬望龜
石蹉跎兩鬢華始作登臨客是時冬向深氣候未蕭瑟追隨
得良朋周覽訪奇蹟浮雲散輕陰霽日見海色千岩含暮景
湖影浸空碧郊原分綺錯左右羅第宅向來多賢豪聲譽何
籍籍精良辰作佳遊此地幾登歷我來一感慨俯視今非昔落
日松風生遲回景將夕

紫薇峯在縣東有潭曰白龍有巖曰赤巖曰蛤巖並峙江中紫
薇之陽多田宅民居鱗次又一峯對峙曰翠微俱吳航之秀
明高廷禮紫薇峯歌送劉大之京六平西倚大海邊喬柯

東與三神連迴崖沓嶂去不息攢青飛翠來眼前紫薇秀出
霄漢中孤峯戍削金芙蓉幽厓朝光積陰雨暗谷夜氣生長
虹旁有翠微高下立雙飛文筆出晴空四時仙風長瑤草六
月古雪鳴寒松片雲常遮白石澗萬籟次度珠林鐘登高壯
觀大海東扶桑樹色明方蓬洪濤萬里浩無極奔溪百折來
相通紫薇之山人深居紫薇裏閒看山色清我心高卧白雲
扶不起昨日凌風頂上行千林樹色帶離情遙見山陽開祖
道友觴共餞劉公榮眷此斗酒別惆悵金陵道人言帝鄉樂
勝似長安好出門西笑岐路分三山迴望紫薇雲高歌一曲
各分手惟有青山長送君

卷五

七

求放心齋

垂露亭在縣東瑞峯寺宋慶厯中憲使蘇才翁以書法名嘗大
刻石垂露體也寺僧以名其亭

西峯寺在六都五代梁建 宋林嗣復遊西峯寺叅遍曹溪衆
所欽元堂虛寂砌蟲吟定回暝月誰相顧好鳥銜花下翠林
明陳亮詩西峯鬱林壑有路以登臨入寺山偏峻聞鐘路
更深古松高倚蓋流水細鳴琴笑問從遊者誰爲淨宇心

林鴻遊西峯寺西峯雲外寺鳥道薜蘿蟠水接花源近山藏
古殿寒石床閒聽雨野佩或紉蘭莫怪棲遲久南宮已掛冠
鄭性之墓在八都院山性之候官人初名自誠嘉定進士第一
官至公輔

安上墓在十都廉風里安上慎思之八世孫大觀四年程朝奉大夫終龍圖安撫

李騏墓在十都龍窟騏永樂十六年進士第一以翰林修撰守制歸卒

竹林寺在十二都唐大中十一年建時戶曹林勣觀大厯二年釋法照遊衡山雲峯寺堂飲次鉢中忽五色雲現雲中有寺寺有金榜題曰大聖竹林寺嘆異之以其居修篁千畝遂舍爲寺有藏經寶函龜山白龍巖安邊軒白雲亭溪會亭三十六菴 最詩卧聽潮音坐看山烟蘿靜處閉禪關都將物外紅塵 占得壺中白日閒吟罷寒猿號木末定回清磬落

卷五

三

求放心齋

雲間高僧隱几無餘事應笑勞生去又還

鶴嶺在十三都宋尙書張鎮立碑今存

林公黼墓在鶴嶺公黼正德十二年進士大理評事 武宗將南巡公黼疏入杖闕下卒 肅皇初贈太常丞賜祭

陳全墓在十一都全字果之永樂進士第二翰林侍講卒于官 王山在縣東北三十里越王勾踐七世孫無疆與楚戰不利徙族居之故名連山曰靈有嶺曰古爛

大宏里在縣東北二十五里唐林慎思弟五人俱登第縣大夫名其鄉曰芳桂慎思又中宏詞科名其里曰大宏官水部郎中巢賊寇長安死之所著伸蒙子

籌峯山在縣東北慎思讀書所朱子題其岩曰德成以水部德成于此也 明王恭籌峯歌海上羣峯一峯別羣山白六如邱垤雲間華頂見琉球天盡滄波帶吳越元氣鴻濛濕不飛涼霜五月襲人衣迥臨飛鳥空青外始識籌峯天下稀石林陰洞何冥密萬籟天聲散秋色南澗飛泉鶴夢清太陰積雨龍滌白我聞仲蒙子雲卧清暉裏一旦金馬門名高此山水憶昨伸蒙罵賊時悠悠往事亦堪悲支離一代忠臣義感激千秋達士知郎官作縣先名節獨訪遺踪弔前烈載酒唯澆石上苔回鞭不醉山中月東山歌酒蘭亭筆疎散當年竟何益願君遺愛比桐鄉功名記在籌峯石 又夏初籌峯詩籌

卷三

三

求放心齋

峯迢遞出高林苔徑蒼蒼洞穴陰獨樹斷雲孤鳥下亂山殘日一蟬吟雙溪鹿過泉應碧丈室僧歸月又深幾度欲攜招隱興蘿花開處息塵心 又德成精舍詩春風扶醉上岩阿磐石蒼蒼覆綠蘿野服不教山月怪僊遊偏愛白雲過罵巢事往人何在續孟書存世未磨惆悵空堂翠微裏斷猿啼起夕陽多

渡橋在梯雲里林水部之次子進士徵世居之明雲南按察使恕其著也

金吾廟在大宏里唐開元中里人林通玄有善行卒後百五十年宋初也有寇自梅江而上欲擄掠其鄉望見神人樹旗幟

率兵禦之寇退卽降靈于人道其家世歷履甚悉里人立廟祀之其後屢著靈應錫封至金吾顯通王

陳義姑墓在十二都翠微山義姑名中元時人事具郡志其後有陳希閩季女八娘者居六都與義姑同宗行事亦相類附志之

崇信寺在大宏里唐咸通二年建 明陳亮秋遊崇信寺南畝

黃雲盡西林白日低秋光浮翠巘暮色帶沙堤遠水留蟾影涼風送馬蹄知君城市客不肯宿招提 林恕詩巢雲方丈

鑊潺湲流水柴門永日關萬壑風烟秋雨裏一亭草色夕陽間香殘石鼎僧初定簾捲岩扉鶴未還暫憩雙林了真諦倚

卷三

古

求放心齋

欄邀月獨看山

雁峯臨巖湖水中央小阜曰蟬山湖傍山有勝迹者六曰六奇又鑪峯周山在其東南 明陳鈺雁峯詩平地三峯起凌虛一氣齊雲間星斗近鳥外海天低秀地連孤嶂清暉落大堤嶺分磐石北水繞太常西喬木森森出寒猿故故啼興來尋白鶴吟罷駐青藜風物今猶盛才名昔屢題郎官公暇日雙鳥上雲梯 王恭登雁峯有懷同志雁峯鬱蒼翠北對太常秋城闕幾塵小滄溟一杯流天空氣肅殺木葉風颼颼夕照返高樹歸雲還遠邱伊人棄軒冕縱酒疎王侯脫畧當世事隱身麋鹿遊翩然別我往徒此增離憂良會不可必歲月詎

能留

嚴湖一名西湖里人嚴光舍田爲之大宏里又有寺曰光嚴亦
光舍宅爲之按三山志陳大建元年長樂嚴光子恭商維揚
冊次江滸市龜五十捨之光家居一日見披黑衣者五十人
送緡錢五千曰君之子恭揚州所附還恭回驗之實未嘗有
乃悟贖龜之故遂捨宅爲寺田爲湖後人名其寺爲光嚴近
時里豪奪嚴湖爲田何古今人不相及也 明王恭爲陳必
尙題湖山圖太常積飛翠朝夕侵我廬嚴公湖上水色映靈
臺虛雁峯屋上三峯峭散帙鳴琴亦高妙半榻閒雲鶴夢清
一簾初日藤花笑顧予性癖愛清暉終日相過盡醉歸幾度

卷五

五

求放心齋

離家聲別調何時恩許卸朝衣黃花九月高樓酒無那明朝
又分手座中應感去年人馬上空攀未霜柳酌酒看山興暫
同君家兄弟氣如虹萍踪自媿無南北聊寄相思水墨中

陳亮同歐陽彥中賦西湖路杳杳西湖路曾經大建年昔時
湖上波今作湖下田人世幾變易山水尙清妍惟應西湖上
閒弄釣魚船 陳叔剛爲宗人題帶湖樓有客新從雁嶺遊
爲余高話帶湖樓風來水面玻璃合雲去山邊紫翠浮日暖
菱歌歸浦澈夜寒漁唱起汀洲吳航勝槩誰能盡安得登臨
到上頭

潘貞女宅在豸山潘氏事具郡志

蕉山在十五都淳祐間移建巡檢司始爲寨嘉靖三十八年築城周三百六十餘丈又二十都松下亦有巡司築城三百一十丈并防滿要害

石梁錦橋在十五都漳港宋淳熙十二年里人造石橋有亭一十五間又有橋東築海爲地三畝以固橋道

鄭憲宅在石梁磁澳憲正德十二年進士光祿丞卒于官事詳郡志

林慎思墓在十四都伸蒙祠後

五雲山在十七都相傳唐僧道清過此清晝澄霽五色雲旋覆其上故名

卷三

六

求放心齋

鄭世威宅在洋下世威嘉靖八年進士歷四川叅政致仕隆慶初超拜副都御史刑部侍郎解綬歸田以壽終賜祭塋

聖娘山在方石灣有天妃宮名國朝遣使冊封琉球禱于

神廟開舶有祈焉有報焉餘具福城天妃宮

閩王禁石在縣東北卽方石也周餘十丈產紫菜味美而纖細閩王審知時禁民私採

梅江在二十四都與方石聯絡濱海初爲巡檢司國朝洪武

二十年江夏侯周德興奏移巡司焦山置守禦千戶所于此督造城垣周六百四十餘丈爲門三敵樓警舖悉備明王

恭梅江詩君不見梅江浩蕩連滄溟積水不極涵空青未明

先帶扶桑日入夜倒浸銀河星
波萬頃秋無盡漠漠蓬

海天迴島嶼千家烟火深軍城百雉妖氛寢漁笛吹殘夜

梅空江長見舊潮回珠
落下漁風起皎室雲歸蚌月來

源香霧浮花島海色空濛望中好元圃滄洲路不通清水黃

塵夢難到大海東流自古今人言此水直千金興來濯足稀

同調惟有樵人同此心樵人一旦分攜去手持荆壁登雲路

望望仙舟不可留滄波日夕驚離愁高棟梅江謠梅江之水

千丈深人言此水直千金未必稱人意我愛梅月清煩

襟青山故人如白鷗招邀待我黃沙頭采秀探奇入靈境上

攀龍峯最絕頂龍峯絕頂窺蓬瀛登高望遠形神清大江茫

卷三

七

求放心齋

茫鴻溟漲元氣浩浩無虛盈飛濤一髮雲花白遙山數點疏

球青欹航側枕凌空濶歷亂中流棹歌發居人雲水弄生涯

撒網拋綸到窮髮 謝杰奉使册封梅花開洋仙崎渡口水

飛樓十丈青蓮太乙舟風笛數聲江閣暮梅花五月海門秋

天高北極星辰轉地折南溟日夜浮此去若過烏鵲渚好將

消息問牽牛

小址山在二十都有巡檢司舊爲寨嘉靖四十一年始城

濱間湖在二十三都唐開元進士倉曹參軍林鷗捐田四十餘

畝創湖積水濶四里民田妻趙氏又捨奩田益之曰林波湖

祀于湖上十九世孫林亞 任宋樞密判院致仕修祖湖題

復祖湖墓居于帶水環珠之右

七星井在十七都萬壽道院之西其井凡七內一井泉清如玉
宋尚書鄭丙刻龍泉二字于石又一井有欄有孟大旱資以
溉田一井在仙山道觀

龍翔峯在十七都宋寺簿周芹遊此又有豹變岩與龍翔并峙
至今二石刻猶存

壺井與浮漚并列海濱潮至則沒潮落則四面平沙海錯滋多
又南有石對峙風濤中曰王母礁宋時王妃航海所經故名
陳氏二烈宅在海濱陳氏元時人希亮二女也事具郡志

陳仲完宅在十九都大溪山仲完洪武十八年進士永樂初翰

卷三

六

林編修春坊贊善

陳令津湖在十九都舊爲飛沙所壅唐縣令陳齊賢捐俸買田
開溝泄水里人德之故名

靈峯寺在十九都江田唐大中七年建上有石洞口歸雲里人
嘗見龍乘雲而歸因號龍龕山靈峯寺又有香爐靈山天池
諸勝 國朝萬 間重建 唐黃滔詩繫馬松間不忍歸數

巡香茗一枰棋擬登絕頂留人宿猶待滄溟月滿時 宋董
淵詩礪硤迷沙界崕岬占洞天門隣金布地橋枕玉鳴泉庭
鶴歸遺主龕龍去昔年掃雲嫌俗駕題壁托詩仙勝境無今
古居人有後先不知遊者馭誰見海爲田 湛俞詩禪林瀟

洒倚危巔稅駕登臨思豁然萬里波光晴望海一堂幽響夜
聽泉寒龕龍卧清涼地古洞雲歸黯淡天好景自嗟吟不盡
擬憑圖畫寄詩仙 林亦之詩雲母江邊有草亭分明見得
日頭生一村籬落更何處此已無天只水聲 蔣之奇靈峯
望海歌我來靈峯望滄海夜半起坐望海亭沈沈水面正陰
黑六龍銜日猶未平須臾陽谷光氣發五色變怪不可名洪
濤洶湧九鼎沸蛟蜃伏匿魚龍驚金鴉騰翥若木末烟消
散天下明狂風喧唳簌巨浪猶似百回雷鼓鳴崩騰蕩沃傾
五岳鱗鬣磨碎鯨與鵬嶠峩忽駭陵谷變雪山千仞天際橫
飄飄番舶隨上下出沒僅若水上萍忽然風霧向籟息金斗

卷三

九

求放心齋

熨帖一練平碧波湛湛千萬頃參錯島與如杯罌三江五湖
亦甚大視此乃類蹄中泫琉球佛齊日本國隱隱微見烟林
青三山厯厯亦可數突兀下有鰲頭撐惜哉秦王不到此勞
心徒欲求長生我雖流落江海上獨此寄寓亦此矜行當結
茅鍊金液以待九轉靈丹成仙飛雨化會有日直跨三島梯
青冥他年故人或相問請來訪我于蓬瀛 朝奉陳毅詩雲
道無心亦愛山雨餘時向此中還而今天下焦枯甚只恐飛
龍未放閒 陳襄詩天柱支南極蓬山壓巨鰲雲崩石道險
潮落海門高候館聞鼉鼓秋風憶蟹螯憑高望鄉樹千里楚
江臯 曹元振詩石洞興衰亦有時因師移錫致雲飛雲心

莫道全無著應解從師去復歸 張徽詩雲蒸洞穴秋成雨

泉落庭除夏結冰

林迴詩門前紅日海千里池上白蓮山四隣 僧子

卯詩松欺臘雪千年在竹引溪風六月寒 明王恭龍龕燕

集蓮宇最高處青蘿隱丹梯鐘鳴曙色動四壁聞天雞簾竺

蒼梧埜翠分石林陰洞未歸雲香爐峯小開窻見水樂聲寒

隔壁聞而我發遐想與來隴所之緣雲踏鳥道披荒上天池

天池色映黃姑水手接飛流洗雙耳鬼谷仙源杳靄間雁宕

天台只如此望海亭中載酒來石楠花氣拂金杯葛衣醉倒

緡經榻紗帽狂歌施食臺 高棟遊靈峯寺紫雲炎氣橫紫

卷三

三

求放心齋

清客行愁作升天行側聞龍龕有絕境境清可以清心情招

攜結佩賢豪客采秀探奇入靈宅徑轉香雲靜影空溪回定

水驚湍寂登高壯觀大海東扶桑樹色搖空濛蓬萊一斗幾

清淺萬劫此地開禪宮而我辭山笑遲暮暫息塵機得元度

支公不遇且啣杯大醉題詩下山去

吳玉蓮宅在口田吳適陳九敘嘉靖季年倭寇長樂奉姑避賊

山洞賊搜洞勢其姑欲刃之玉蓮抱姑請代被賊亂砍至死

竟全其姑

巖泉寺在二十一都唐建有寂照軒又宏源洞在寺後 明王

恭詩遠公瀟灑住東林竹裏閒扉隱翠岑低樹坐來忘色相

靈花空裏見禪心白雲半嶺迷香界孤磬中峯出梵音此地
從來堪習靜浮生幾度得相尋 鄭定詩林間鐘磬響沈沈
客裡殘春喜盍簪曲徑行隨流水轉禪房坐掩落花深題詩
把酒同幽興孤鶴閒雲愜遠心此度勝遊應不負風流何必
在山陰 高從禮詩岩頭古寺入烟霞況是春遊逸興賒禪
榻鳥來啼慧草空臺客至掃寒花雲間鳴磬青山暮竹裡殘
棋白日斜支遁喜逢觴詠侶不嫌醉墨汚袈裟 鄭定詩野
寺雲深草樹荒行吟更覓遠公房竹邊幽鳥啼春暖花外流
泉到處香禪地卽今堪習隱塵蹤于此覺迷方三春況是逢
三日一詠應須醉一觴

卷三

三

求放心齋

鐘門山在二十都隔大海中相傳自廣載巨鐘至此而沒潮落
或有見之者故名其山云

御國 一負巨浸若藩屏內地狀御國者衛國也島夷入貢必登
望以識海道

碁山寺在縣北二十四都唐咸通五年建西峯山有石臺相傳
二仙對奕至今荆棘不生 宋董淵詩風際有雲多世態海
中無底是人心可堪更問碁山話一局閒爭古到今 明王
恭碁山詩塵中何處避炎蒸靜愛空王淡愛僧沙界樹涼晴
作雨石渠泉响暗流水青山載酒隨閒到飛閣觀潮倚醉登
水遶蓮花通寶藏路迴蘭若轉金繩仙人碁局埋幽草大士

禪扉閉古藤荒殿鳥啼時近榻香臺猿臥夜窺燈老來行止
愁無地病後歡攜媿有朋明發別離方外去何時清興又同
乘 又詩逸人共結蕭朱綬六月閩天火雲厚觴熟梅邊告
我行欲行且盡爐頭酒棊山海上古招提銀甕繩牀興復攜
三峯直下幾千丈仙人奕處清猿啼知君平生愛靈境爲君
拂拭青蘿影野殿杯浮蕙草香石渠水浸甘瓜冷祇園樹裏
貯行庖斲解塵衣掛竹梢詩成破却山靈膽醉倒傾翻老鶴
巢 石積翠連飛閣遙海蒼蒼暮雲落舞影爭嫌白日斜歌
聲未道離情惡 擬從方外寄餘歡云是山僧謁縣官野鹿迴
看避仙珮沙禽何意訝儒冠千金流水猶能注陌上離駒不
堪駐願君身到五雲端莫忘棊山送行處 又載酒空林下
林幽暑氣清半天聞梵語雙壁隱鐘聲野鳥知禪意孤雲薄
世榮何應謝塵事從此學無生 陳亮詩久耽邱壑遊未歷
棊山路偶訪招提居夤緣入祇樹雲林更左旋始得禪栖處
落日寒蟬鳴藹然松山暮真僧喜相接況有平生故秘篋
香芸名卮酌甘露常懷學空禪暫喜捐塵慮永願依道林
非許元度

卷三

三

求放心齋